


PRIMA SEXTI CAPITIS  
FIGVRA, QVAE DVAS VERTI-  
cis ossium portiones inuicem nonnihil seiunctas  
commonstrat, ut commodius artificiosissima sutu-  
ra fabrica oculis subijceretur.




SECVNDA FIGVRA:

HAEC OSTENDIT CALVARIAE  
portionem à reliquo capite serra diuisam, ut ossis  
appareret constructio duabus densis solidisq; squa-  
mis seu laminis *e* & *o* notatis efformata, in qua-  
rum medio fistulosa seu fungosa ossis consistit sub-

stantia *ae* indicata. Ceterum huiusmodi squamae vulgò capitis tabulae uocantur, ac superior  
quidem exteriorue squama *e* notata, prima appellatur tabula, interior uerò, quae durae cere-  
brum inuestienti membranae est proxima, & *o* insignitur, secunda tabula loco habetur, &  
quidam hanc diploë quoque uocant. Neque desunt interim qui fungosam fistulosamq; ossis sub-  
stantiam *ae* indicatam, unius etiam tabulae uice recensent, hanc mediam seu secundam appellan-  
tes, hacq; ratione tres calvariae tabulas constituentes, quae crassitiae duritiaeq; in omnibus homi-  
nibus neutiquam pares cernuntur.

TERTIA SEXTI CAPITIS

FIGVRA.



TERTIA figura integrā caluariam capitis naturalis figurā (quae oblongam sphae-  
ram utrinque leuiter in anteriora compressam refert) absque inferiori maxilla in sinistro latere  
depictam exhibet, suturas in externa capitis sede spectandas pulchrè proponens.

QVAR

QVARTA SEX-

TI CAPITIS

FIGVRA.



HAEC figura caluariā sinistro lateri magis incumbente exprimit, ut & basis calvariae  
in conspectū nonnihil ueniret. Aliquot suturarū causa, ab hac figura os iugale serra ademinus.  
Cuiusmodi uerò illa sint, ex subsequenti characterum indice, ac ex huius & succedentium aliquot  
Capitum contextu, promptè intelliges. Praesens namq; figura maxillae superioris ossibus cogno-  
scendis, quibusdamq; ossium foraminibus ostendendis, etiam pulchrè subseruit.

CHARACTERVM TERTIAE ET QVARTAE  
FIGVRARVM INDEX.

PRAESENS characterum index tertiae ac quartae figurae communis erit, quod  
scilicet eidem ferè characteres in utraq; collocentur. et si casu quis aut tertiae, aut quartae figu-  
rae duntaxat peculiaris occurrerit, illi pro figurae ratione, aut hanc notam 3, aut istam 4, in indi-  
cis contextu subijciam.

A, B Coronalis anteriorue sutura earum quae transversim ducuntur. Ceterum B & A in tertia  
medium notant coronalis suturae, in sinistro latere consistens, dextrum autem ipsius latus, quar-  
ta figura exprimitur.

C, D Posterior sutura transversarū, quae Λ Graecorū maiuscula litera assimilatur. In tertia huius  
suturae sinistra pars conspicitur, in quarta uerò dextra. Porro tertia figurarū integrā ossium  
compagem experimentium, huius suturae totam sedem ad B commonstrat, quae uerae suturae  
persimilis est. Quippe de ipsius additamentis per capitis basim perreptantibus, atque in quinta  
& sexta iam subsequentibus figuris, delineandis, alia est ratio.

E 3 Sutura à medio suturae Λ referentis ad medium coronalis, seu à D ad B deducta.

F Squamosa cōglutinatio, ac in tertia quidē figura uidetur sinistra, in quarta autē dextra. Dein

G. in ambabus à C ad G interuallum conglutinationis notatur, à sutura Λ simili ad ueram con-  
glutinationem squamae formem pertingens, quod non mutuo incumbentiū squamarū, sed uerae su-

H. turae constructionem ostendit. Quod uerò à G ad H per F porrigitur, squamae formis est  
conglutinatio, uerticis ossi & temporis ossi communis. Ab H autem ad A indicatur glu-  
tinatio squamae formis, ossi uerticis & frontis ossi communis.

I 3 Sinistrum uerticis os.

K Dextrum uerticis os.

L Frontis os, quod unicum est.

M Occipitis os, similiter unum.

N Sinistri temporis os in tertia, dextri autem in quarta ostenditur.

O Os cuneo à dissectionis professoribus assimilatum, quod succinctiori nomine saepius cuneiforme

P. (uoces duntaxat sectantiū uenia) appellamus. Hoc unicū est, & cōiugis expers. Verū P pri-  
uatim notat huius ossis processus, quos uespertilionum alis cōparabimus. Hi utrinq; duo sunt, in  
2, 3, 4, quarta figura conspicui & praeter P, etiā numeris his 2, 3, 4, & 5 notati, quos quinta huius ca-  
5, fig. 4 pitis figura accuratius proponet.

QQQ